



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

Privilegium Sacræ Cæsareæ Et Catholicæ Majestatis.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

PRIVILEGIUM

SACRÆ CÆSARÆ ET CATHOLICÆ MAJESTATIS.



CAROLUS SEXTUS,

Divinâ favente Clementiâ Electus Romanorum IMPERATOR, semper Augustus, ac Germaniæ, Hispaniarum, Hungariæ, Bohemiæ, Dalmatiæ, Croatiae, Sclavoniæ &c. REX; ARCHIDUX Austriæ; DUX Burgundiæ, Styriæ, Carinthiæ, Carniolæ, & Württembergæ; COMES Tyrolis &c. Agnoscimus & notum facimus tenore præsentium Universis, quod cum Nobis Noster Sacrique Imperii fidelis dilectus ANDREAS CHEVALIER Typographus LUXEMBURGENSIS, humillimè supplicarit, ut Privilegium Impressorum super BULLARIO MAGNO ROMANO NOVISSIMO A BEATO LEONE MAGNO USQUE AD PONTIFICEM NUNC REGNANTEM, cum suis SUPPLEMENTIS, in Folio & Novem Tomis sibi impertitum, ad alios Decem Annos extendere clementissimè dignaremur; Nos submissis pariter ac æquis ejus precibus annuendum censuerimus: Ac proinde Authoritate Nostra Cæsarea omnibus & singulis Bibliopolis, Bibliopegis, Typographis, & aliis quibuscumque rem Librariam seu negotiationem exercentibus, firmiter inhibemus, vetamus, & interdicimus, ne quis supra nominatum BULLARIUM MAGNUM ROMANUM, sub hoc aliove titulo aut formâ per decem Annorum spatium ab hodierno die computandum intra Sacri Romani Imperii, & Regnorum Ditionumque Nostrarum Hæreditariarum fines recudere, vel aliis recudendum dare, aliorumve impressum apportare, citra præfati impetrantis, ejusdemque Hæredum ac Successorum voluntatem in scriptis obtentam, ausit vel præsumat; Si quis verò secus faciendo Privilegium hoc Nostrum seu Interdictum violare, contemnereque præsumperit, eum non solum ejusmodi Exemplaribus ubicunque locorum reperitis, perperam quippè recussis, seu apportatis (quæ dictus ANDREAS CHEVALIER, sive propria auctoritate, sive Magistratus illius loci auxilio, sibi vindicare poterit) de facto privandum, sed & Decem Marcarum auri puri poena Aerario seu Fisco Nostro Cæsareo & parti læsæ ex æquo pendenda, omni spe veniæ sublata, mulctandum decernimus, dummodo tenor hujus Nostris Privilegii in fronte libri impressus reperiatur, & consueta quinque Exemplaria Consilio Nostris Imperiali Aulico exhibeantur. Mandamus itaque omnibus & singulis Nostris & Sacri Romani Imperii, Regnorumque & Dominiorum Nostrorum Hæreditariarum subditis, & fidelibus dilectis, tam Ecclesiasticis, quam Sæcularibus, cujuscumque status, gradus, dignitatis, aut ordinis fuerint, præsertim verò iis qui in Magistratu existentes vel suo vel Superiorum suorum loco jus justitiamque administrant, ne quemquam Privilegium hoc Nostrum Cæsareum violare, spernere, aut transgredi patiantur: Sed si quos contumaces compererint, constituta à Nobis multa eos puniri, & quibuscumque modis idoneis coerceri curent, quatenus & ipsi gravissimam Nostram indignationem prædictamque poenam evitare voluerint. Harum testimonio literarum manu Nostra subscriptarum & Sigilli Nostris Cæsarei appensione munitarum, quæ dabantur Laxemburgi vigesima prima Maii anno millesimo septingentesimo trigésimo septimo, Regnorum Nostrorum, Romani vigésimo sexto, Hispanorum trigésimo quarto, Hungarici & Bohemici verò vigésimo septimo, &c.

CAROLUS.



UT JO. AD. COMES
DE METSCH.

Ad Mandatum Sac. Cæs. Majestatis proprium.
J. J. HAYECK de Waldstätten.

Et memoratus CHEVALIER suprascriptum Sac. Cæs. Majest. Privilegium ex integro concessit PELLISSARI & SOCIIS, ex conventionione factâ inter eos Quarto Nonas Martii Anni 1738.

INDEX